

# INUIT ATAQATIGIIT

## INATSISARTUNI



Nuuk, 21. maj 2010

Inatsisartut Suleriaasianni § 36, imm. 1 naapertorlugu Naalackersuisunut apeqqutit imaattut matumuuna saqqummiuppakka:  
(Inatsisartunut ilaasortaq Naaja Nathanielsen, Inuit Ataqtigiit)

### Apeqqutit:

1. Kiffartuussinerit sorliit nappaatillu misissorneqartut sorliit Nuummi Nakorsartarfimmit Dronning Ingrid-ip Napparsimavissuanut (D.I.H.) akiliutigineqartarpat, qanorlu tamakku akeqartinneqarpat?
2. Ukiuni kingullerni sisamani aningaasatigut missingersuutaasut qaavisigut Nakorsiartarfik aningaasartuuteqartarsimava?

### Tungavilersuut:

Peqqinnissaqarfik ataatsimut isigalugu annertuutigut aningaasaqarnikkut tatisimaneqartoq kikkunnit tamanit ilisimaneqareerpoq. Ullut tamaasa aningaasatigut missingersuutaareersut qaangernaveersaarlugit annertuumik ilungersortoqarnerata saniatigut inuiatigitiit pitsaasumik peqqinnissaqarfimmit kiffartuunniarneqarput.

Nuummi Nakorsartarfimmit Dronning Ingrid-ip Napparsimavissuanut napparsimasoq annerusumik misissorneqartussanngortillugu tamanna Nakorsiartarfimmit D.I.H-mut tamatigut akiliisitsisoqaqqaarnikkut pisartoq paasisimavara.

Taamaalilluni napparsimasup qanoq-issusia pillugu nalilersuisariaqarnerup saniatigut Nakorsiartarfiup missingersuutit malillugit aningaasatigut inissisimanagera nakorsap aamma nalilersortartussaavaa. Napparsimasup peqqinnikkut qanoq issusia salliu-tinneqarunnaarluni aningaasatigut isiginiaqqaagassat salliu-tinneqalersinnaanerata aamma taamaalilluni aarleqqutigineqarsinnaanngorpoq.

Apeqquteqaatikka aqutugalugit tamanna Peqqinnissaqarfimmut ajornartorsiutaalersinnaanersoq kiisalu aningaasaliissutit allanngortinneqarnissaannik tamanna tungavis-saqalersitsinersoq paasisaqarfigerusuppara, taamaalillutami aatsaat pinaveersimatissinnaavarput aningaasatigut isiginiaqqaagassat salliu-tinneqalinnginnerata napparsimasup qanoq issusia tunullinneqalerluni.